

敕修陝西通志

第一函
五十一冊

陝西通志第五卷

建置四

唐

隋氏改州爲郡高祖受命改郡爲州自隋季喪亂權置州郡倍於開皇太業之間貞觀元年悉令併省始於山河形便分爲十道曰關內道曰山南道開元二十一年又分天下爲十五道曰京畿關內道山

南東道山南西道

舊唐書地理志

九州郡縣無所更置者皆仍隋舊

唐書地理志

按通典京畿道領京兆華陰馮翊扶風新平等郡關內道領延安榆林五原朔方等郡而新舊唐書不分列京畿道仍以關內道統諸郡今仍之

關內道

古雍州之境京兆至綏銀等州東距河西抵隴坂南據終

南之山北邊沙漠又開元中以近畿之州同華岐蒲爲四輔

唐六典

上都初曰京城天寶元年曰西京至德二載曰中京上元二年復

曰西京肅宗元年曰上都唐書地理志天授二年置鴻宜鼎稷等州制

云京兆之地一州獨治事多擁滯宜令雍州管內析置五州文苑英華

京兆府京兆郡 隋京兆郡武德元年改雍州天授元年改京兆郡

其年復舊開元元年改雍州為京兆府舊唐書地理志京兆郡領縣二十

唐書地理志。按天祐中仍以奉先屬隸同州唐京兆即隋大興城宋敏求長安志

萬年 周萬年縣隋改大興武德元年復為萬年乾封元年分置明

堂縣理永樂坊長安二年廢天寶七年改為咸寧乾元元年復名

萬年元和志

長安 乾封元年分置乾封縣理懷真坊長安二年廢元和志。按文苑英華作

總章元年析置二縣與元和志異皇城南大街曰朱雀街東萬年縣領之西長安

縣領之舊唐書地理志城內為京縣唐六典

咸陽 隋廢縣武德二年復分涇陽置初治鮑橋其年移治杜郵舊唐書

書地理志

武德二年徙白起堡六年又徙便橋西北卽今縣

宋敏求長安志

興平

隋始平縣天授二年隸稷州大足元年還雍州景龍四年送

金城公主於此因改金城至德二年改興平縣

舊唐書地理志

景龍四年

改金城移治馬鬼故城復還故治改爲興平尋復爲金城今又爲

興平

括地志

雲陽

武德元年析置石門縣三年以石門溫秀置泉州貞觀元年

州廢省溫秀更石門曰雲陽雲陽曰池陽八年省雲陽更池陽曰

雲陽天授二年以雲陽置鼎州大足元年州廢

唐書地理志

武德二年

移雲陽於縣南十五里治水衝城

寰宇記

雲陽鎮在涇陽縣北三十

里卽舊雲陽縣長街鎮在涇陽縣北五十里卽故鼎州

涇陽縣志

涇陽

隋縣天授二年隸鼎州大足元年還雍州

舊唐書地理志

三原 武德四年移治清父南故任城改爲池陽六年又移故所改

置華池縣仍分置三原縣屬北泉州貞觀二年廢三原仍改華池

為三原縣屬雍州天授元年改隸鼎州大足元年隸京京府舊唐書地

理志○按北泉州新唐志作泉
州清父南雍大記作清水谷

渭南 武德元年隸華州五年還隸雍州天授二年析渭南慶山置

鴻門縣以渭南慶山等縣置鴻州尋省鴻門大足元年州廢開元

二十五年更置唐書地理志天授中於零口置鴻州渭南縣志

昭應 隋新豐縣治古新豐城北垂拱二年改為慶山縣神龍元年

復為新豐天寶二年分新豐萬年置會昌縣七載省新豐縣改會

昌為昭應治溫泉宮北舊唐書地理志昭應在驪山下慶山在東北臨潼縣志

高陵 隋縣天授二年隸鴻州大足元年還雍州舊唐書志武德元年析

置鹿苑縣貞觀元年省唐書地理志鹿臺城在縣南二十五里有果園

名鹿苑唐置縣賈志

同官 屬宜州貞觀十七年改屬雍州天授二年改屬宜州大足元

年還屬雍州

舊唐書地理志

富平 隋縣天授二年隸宜州大足元年還隸雍州

舊唐書地理志

開元間

徙富平縣於義亭城卽舊縣地在今富平東北十里

賈志

藍田 武德二年析置白鹿縣三年更曰寧民又析藍田置玉山縣

貞觀二年皆省

唐書地理志

寧民故城在藍田西南三十二里玉山故

城在縣東四十三里今名萬金堡

宋敏求長安志

鄠 京兆郡領鄠縣

唐書地理志

奉天 文明元年析醴泉置乾寧二年以縣治乾州及覃王出鎮又

以畿內之好時武功藍屋醴泉隸之

唐書地理志

奉天縣文明元年以

管乾陵分醴泉置天授二年隸稷州大足元年還雍州

舊唐書地理志

乾寧二年改置乾州以在長安西北隅故名

賈志

好時 故上宜武德二年析醴泉置好時貞觀八年廢上宜入岐陽

二十一年省好時岐陽復置上宜又更上宜曰好時唐書地理志好時

武德二年置屬雍州三年改隸稷州貞觀元年復屬雍州天授二

年改隸稷州大足元年還屬雍州舊唐書地理志唐置好時縣於漠谷東

南今奉天西北六里隋太子莊陵城是宋敏求長安志

武功 武德三年以武功置稷州又析始平置扶風縣貞觀元年州

廢省扶風天授二年復置稷州大足元年州廢唐書地理志武功大足

元年屬雍州舊唐書地理志武德三年置稷州因后稷所封為名貞觀元

年廢州以縣屬京兆元和志

醴泉 武德九年析置溫秀縣後省醴泉貞觀十年析雲陽咸陽復

置唐書地理志天授元年改隸鼎州大足元年還雍州舊唐書地理志醴泉城

在縣北十里卽古仲橋城貞觀十一年置今為渭北鎮溫秀嶺在

縣東北四十里武德元年析置溫秀縣

賈志

華原 義寧元年以華原置宜君郡武德元年曰宜州貞觀十七年

州廢以華原隸雍州垂拱二年更華原曰永安天授二年復置宜

州大足元年州廢神龍元年復永安曰華原天祐二年李茂貞墨

制以縣置耀州

唐書地理志

華原在耀州北五里

馮志

美原

舊宜州土門縣貞觀十七年廢咸亨二年又置改爲美原縣

天授二年又屬宜州大足元年還屬雍州

舊唐志

天祐二年李茂貞

墨制以縣置鼎州

唐書地理志

富平縣東北六十里有美原故城唐改

土門爲美原卽此

耀州志

華州華陰郡

上輔義寧元年析京兆郡之鄭華陰置垂拱二年曰

大州神龍元年復故名上元二年又更名大州寶應元年復故名

乾寧四年曰興德府光化三年復爲州縣四

唐書地理志

鄭 開皇四年縣移於廢華州城唐武德四年自州城移於州東一

里興元元年仍移縣於州西三里官路南縣道記

華陰 垂拱元年更名仙掌天授二年析置潼津縣在關口後隸虢

州聖曆二年來屬長安中省神龍元年復曰華陰上元二年曰太

陰寶應元年復故名唐書地理志潼津故縣今廢爲驛賈志○按寰宇記作寶曆中改

太陰宜以唐志爲正

下邳 本隸同州垂拱元年來屬唐書地理志○按下邳在今渭南縣北

櫟陽 故萬年隸雍州武德元年更名又析置平陵縣二年更平陵

曰粟邑貞觀八年省天祐二年來屬唐書地理志貞觀八年廢粟邑併

櫟陽天授三年隸鴻州大足元年還隸雍州舊唐書地理志粟邑廢鎮在

櫟陽縣東四十里石川河東宋敏求長安志○按櫟陽在今臨潼縣東北

高翔郡 上輔隋馮翊郡武德元年改爲同州天寶元年改馮

翊郡乾元元年復為同州

舊唐書縣八地理志

馮翊

武德九年析置臨沮縣貞觀九年省

唐書地理志

朝邑

武德三年析置河濱縣貞觀元年省乾元三年曰西河隸河

中府大曆三年復為朝邑還隸同州

唐書地理志

韓城

武德八年徙置西韓州貞觀八年州廢以韓城來屬天祐二

年更名韓原

唐書地理志

郃陽

武德八年西韓州領郃陽縣貞觀八年廢西韓州縣還屬同

州

舊唐書地理志

夏陽

武德三年分郃陽置河西縣又於縣置西韓州貞觀八年廢

州以縣屬同州乾元三年改為夏陽

元和志

乾元三年隸河中府後

復來屬

唐地理志

夏陽故城在郃陽縣東南四十里

郃陽縣志

白水

白水隋縣

舊唐書地理志

唐馮翊郡領白水縣

唐書地理志

澄城 武德三年析置長寧縣貞觀八年省唐書地理志長寧城在澄城

西北四十里長寧河南故址猶存澄城縣志

奉先 本屬同州開元四年以縣置橋陵改為奉先縣屬京兆元和志

天祐三年來屬唐書地理志奉先故城在蒲城縣東三十里今名奉先

里賈志

商州上洛郡 隋上洛郡武德元年改為商州天寶元年改上洛郡

乾元元年復為商州舊唐書地理志縣六唐書地理志除上津一縣在今湖廣隕陽府界餘五縣在陝

省境內

上洛 商州上洛郡治上洛縣唐書地理志

豐陽 豐陽舊治吉川城麟德元年移理豐陽川舊唐書地理志武德元年

自故豐陽川移於商州南百六十里甲水西五十步麟德元年又

移於新理寰宇記按豐陽即山陽縣

洛南

舊治拒陽川顯慶三年移理清川

舊唐書地理志

商洛

武關西一百二十里有商城謂故邑城也唐武德二年移於

新所

荆州記

商洛在商州東八十里

九域志

乾元

本安業縣萬歲通天元年析豐陽置景龍三年隸雍州景雲

元年來屬乾元元年更名隸京兆尋還屬

唐書地理志

永泰元年徙治

縣西北六十里長慶二年復徙於縣治光啟二年又徙縣於縣西

王峪龍紀元年復歸舊縣

宋敏求長安志

唐始分豐陽立安業卽鎮安境

山陽縣志

鳳翔府扶風郡

上輔本岐州至德元年更郡曰鳳翔二載復郡故

名號西京爲府上元二年罷京元年曰西都未幾復罷都縣九

唐書

地理志○按唐書肅宗本紀鳳翔元年以鳳翔爲西都唐志元年上

武德元年爲岐州至德

元年改爲鳳翔郡乾元元年改鳳翔府

元和志

天興 本雍縣至德二載曰鳳翔析置天興縣寶應元年省鳳翔入

天興唐書地理志雍縣至德二載分置鳳翔縣永泰元年廢改雍縣為

天興縣元和志至德二載析置天興縣於城南七里鳳翔縣志

岐山 貞觀七年析岐山及上宜置岐陽縣八年省上宜入岐山永

徽五年復置元和三年省唐書地理志岐山舊縣在岐山縣龍尾鎮

北五里有遺址武德初析置岐陽縣於龍尾坡貞觀八年又移豬

泉驛南十里至德中仍名岐山即今縣賈志

扶風 本漢美陽縣地武德二年分岐山縣置園川縣屬岐州按縣

水取名俗四年隸稷州貞觀元年廢稷州以縣屬岐州八年改為

扶風元和志武德初置滹州縣即今治賈志

麟遊 隋麟遊郡武德元年改麟州貞觀元年廢州以縣隸岐州舊唐

地志縣初治仁壽宮貞觀六年自宮城移於縣理寰宇記

普潤 本屬麟州貞觀元年來屬舊唐書地理志普潤在麟遊縣西一百二

十里賈志○按在西北

寶雞 隋陳倉縣至德二年二月十五日改爲鳳翔縣十八日改爲

寶雞舊唐書地理志陳倉城在縣東二十里賈志

號 隋縣貞觀八年廢入岐山縣天授二年復分岐山置號縣舊唐書地理志

理故城在寶雞縣東六十里明一統志

郿 義寧二年置郿城郡又析置鳳泉武德元年曰郿州三年州廢

以郿隸稷州七年來屬貞觀八年省鳳泉唐書地理志武德三年移縣

於郿州寰宇記斜城在渭水南斜口武德初置郿州城址尚在賈志○按

唐以前郿縣俱治渭北自唐始移渭南

盩厔 本隸雍州武德二年析置終南縣貞觀八年省天寶元年更

名宜壽至德二載復故名乾寧中隸乾州天復元年來屬唐書地理志

武德三年屬稷州貞觀二年還雍州天授二年屬稷州大足元年

還雍州舊唐書地理志宜壽城在縣西一里宋敏求長安志武德二年於整屋故

城置終南縣雍大紀終南故城在整屋縣東三十里舊縣谷賈志

邠州新平郡 隋新平郡武德元年改為豳州天寶元年改新平郡

乾元元年復為邠州舊唐書地理志縣四唐書地理志開元十二年以豳字與

豳字相涉詔改為邠元和志長武魏曰淺水貞觀中裁縣而隸於邠

三水縣志

新平 武德元年屬豳州元和志漆縣唐為新平縣禹貢錐指廣德元年吐

蕃焚畧移縣東北三十里職田鎮元和四年復移舊治隴川堡蓋

卽寰宇記所云隴堡矣新平縣志○按新平今邠州

三水 開皇三年屬邠州唐因之元和志在州東北六十里九域志

永壽 武德二年分新平置神龍三年改屬雍州景龍元年復屬邠

曰吳山武德元年以南由縣置舍州四年州廢元和三年省入焉

唐書地理志貞觀元年治槐衙堡上元元年移治龍盤城舊唐書地理志吳山

縣故城今為縣頭鎮本漢隃麋縣隴蜀餘聞吳山縣在隴州東南一百

二十里賈志

鄜州洛交郡 隋上郡武德元年改為鄜州天寶元年改洛交郡乾

元初復為鄜州舊唐書地理志縣五唐書地理志

洛交 隋置洛交縣舊唐志唐鄜州洛交郡領洛川縣唐書地理志

三川 鄜州洛交郡領三川縣以華池水黑水洛水三水會同因名

舊唐書地理志三川縣西北至州六十里本漢翟道縣地元和志按有

六十里即故縣

直羅 隋直羅城武德三年分三川洛交二縣於此置縣因城為名

元和志鄜州西百二十里有直羅巡司即舊直羅縣鄜州志

州舊唐書地理志武德二年分新平縣南界於縣理北三十里永壽原西

置永壽縣貞觀二年移於州東南八十里興元元年又移於順義

店卽縣理是也元和志武德四年南移於義豐埵寰宇記

宜祿貞觀二年分新平置宜祿縣後魏舊名也淺水原卽縣理所

元和志○按宜祿今長武

隴州汧陽郡隋置隴東郡武德元年改隴州天寶元年改汧陽郡

乾元元年復爲隴州舊唐書地理志縣三唐書地理志

汧源隴州汧陽郡治汧源縣唐志漢汧縣唐爲汧源縣禹貢錙指○按汧源卽今

隴州治

汧陽隴州領汧陽縣唐書地理志縣西五里暉河西北有舊城乃隋唐

舊治汧陽縣志

吳山本長蛇義寧二年置貞觀元年更名上元二年曰華山尋復